

# **CONSELLERÍA DO MAR**

## **SECCIÓN 14**



## 1. COMPETENCIAS

---

De conformidade co disposto no artigo 1 do Decreto 312/2009, do 28 de maio, polo que se establece a estrutura orgánica da Consellería do Mar, esta é o órgano da comunidade autónoma ao que lle corresponde desenvolver as competencias e funcións en materia de ordenación pesqueira en augas interiores, marisqueo, acuicultura, confrarías de pescadores e demais organizacións e asociacións profesionais do sector, industrias pesqueiras e conserveiras, establecementos de almacenamento, manipulación, vendas e transformación do peixe, ensinanzas marítimo-pesqueiras, náutico-deportivas e mergullo, cooperación pesqueira interinstitucional e co exterior, salvamento marítimo, loita contra a contaminación e planificación e actuacións portuarias, de acordo co establecido no Estatuto de autonomía para Galicia e segundo os termos sinalados pola Constitución Española.

Os Decretos 79/2009, do 19 de abril e 83/2009, do 21 de abril, establecen a estrutura orgánica da Xunta de Galicia e dos seus departamentos, quedando configurada esta consellería cos seguintes centros directivos:

- 1) O/a conselleiro/a.
- 2) A Secretaría Xeral.
- 3) A Dirección Xeral de Competitividade e Innovación Tecnolóxica.
- 4) A Dirección Xeral de Ordenación e Xestión dos Recursos Mariños.
- 5) A Dirección Xeral de Desenvolvemento Pesqueiro.

Quedan adscritos a esta consellería os entes públicos Instituto Tecnolóxico para o Control do Medio Mariño de Galicia e Portos de Galicia.

Os reais decretos polos que se aprobaron os traspasos de funcións e servizos producidos ata o momento en materia de pesca son os seguintes:

- 1) Real decreto 1634/1980, do 31 de xullo, sobre transferencias da Administración do Estado á Xunta de Galicia en materia de traballo, industria, comercio, sanidade, cultura e pesca. Polo que á pesca se refire, traspasáronse as competencias relativas á xestión do Plan de Explotación Marisqueira de Galicia, así como as relativas ao outorgamento de licenzas individuais ou colectivas para o exercicio da pesca marítima de recreo.

- 2) Real decreto 3318/1982, do 24 de xullo, sobre o traspaso de funcións e servizos da Administración do Estado á Comunidade Autónoma de Galicia en materia de agricultura e pesca. No que á pesca se refire, transferíronse as competencias, funcións e servizos en materia de pesca en augas interiores, marisqueo e acuicultura, así como en materia de confrarías de pescadores.
- 3) Real decreto 4189/1982, do 29 de decembro, sobre traspaso de funcións e servizos da Administración do Estado á Comunidade Autónoma de Galicia en materia de agricultura e pesca. No que á pesca se refire, transferíronse as competencias, funcións e servizos en materia de ensinanzas profesionais náutico-pesqueiras.
- 4) Real decreto 1283/1987, do 2 de outubro, polo que se amplía o traspaso de servizos e medios á Comunidade Autónoma de Galicia en materia de ensino profesional náutico-pesqueiro.
- 5) Real decreto 89/1996, do 26 de xaneiro, polo que se traspasan funcións e servizos da Administración do Estado á Comunidade Autónoma de Galicia en materia de ensinanzas náutico-deportivas e subacuático-deportivas.
- 6) Real decreto 1377/1997, do 29 de agosto, sobre traspasos de funcións e servizos á Comunidade Autónoma de Galicia en materia de mergullo.
- 7) Real decreto 1378/1997, do 29 de agosto, sobre ampliación de funcións e servizos traspasados á Comunidade Autónoma de Galicia polo Real decreto 1283/1987, do 2 de outubro (ensino profesional náutico-pesqueiro).
- 8) Real decreto 1749/1999, do 19 de novembro, sobre ampliación de servizos e funcións da Administración do Estado traspasados á Comunidade Autónoma de Galicia polos Real decreto 1283/1987, do 2 de outubro, e 1378/1997, do 29 de agosto, en materia de ensinanzas profesionais náutico-pesqueiras.

## **2. OBXECTIVOS E LIÑAS DE ACCIÓN PARA O ANO 2010**

---

### **2.1 DA CONSELLERÍA**

Nos últimos tempos estase a producir un proceso de redución progresiva das posibilidades de capturas e do esforzo pesqueiros, afectando tal tendencia de forma clara ao sector pesqueiro galego, especialmente ao seu importantísimo sector extractivo, que presenta a peculiaridade de depender en boa medida de recursos exteriores ao litoral de Galicia.

Por outra banda, no que atinxe ao sector acuícola galego, a súa importancia, tanto polo que se refire aos recursos humanos empregados nel, como ao volume da súa produción, que incide de maneira certamente importante na economía da nosa comunidade, a administración debe realizar un esforzo tendente á súa mellora cuantitativa e cualitativa.

No sentido exposto, as liñas de actuación desta consellería perseguirán, fundamentalmente, os seguintes obxectivos no exercicio orzamentario correspondente ao ano 2010:

- 1) A xestión eficaz e eficiente dos fondos comunitarios.
- 2) A xestión responsable e sostible dos caladoiros e da nosa costa.
- 3) O desenvolvemento da acuicultura no noso litoral en harmonía co medio ambiente.
- 4) O aseguramento de accidentes marítimos para todos os mariñeiros galegos en calquera parte do mundo e dos tripulantes de buques con porto base en Galicia.
- 5) O aseguramento da actividade extractiva ante a climatoloxía adversa.
- 6) As axudas sociais ás mariscadoras/es.
- 7) A Cidade do Mar.
- 8) A formación en seguranza marítima.
- 9) Recuperación do medio mariño e de zonas aptas para a reprodución dos moluscos bivalvos.
- 10) O desenvolvemento das zonas costeiras.
- 11) A investigación mariña aplicada.
- 12) A cooperación pesqueira con terceiros países.

- 13) Elaboración de plans de Portos, con proxectos individualizados para cada un, atendendo ás súas necesidades específicas.
- 14) A dotación de medios para a loita contra a contaminación mariña accidental e o salvamento marítimo.
- 15) As medidas para mellorar a loita contra a contaminación mariña accidental e o salvamento marítimo.
- 16) A dotación de medios para a inspección pesqueira.
- 17) As medidas para mellorar a inspección pesqueira.
- 18) A mellora dos rendementos do sector do marisqueo e da acuicultura.
- 19) A potenciación das industrias de transformación e comercialización.

As actuacións referidas concréntanse na adopción das seguintes medidas:

- 1) Desenvolvemento do plan acuícola.
- 2) Intensificación do apoio ás industrias de transformación do sector.
- 3) Reforzamento dos equipamentos nos portos pesqueiros.
- 4) Actuacións de recuperación das zonas improdutivas.
- 5) Formación dos traballadores do sector.
- 6) Mellora da comercialización dos produtos da pesca.
- 7) Diversificación de actividades da poboación activa do sector pesqueiro.
- 8) Potenciación dos cultivos mariños, incrementando a súa produtividade e modernizando a súa tecnoloxía.
- 9) Adaptación do sistema formativo e da investigación para atender as novas demandas sociais, económicas e técnicas.
- 10) Medidas tendentes a procurar a mellora da calidade dos produtos así como a dos procesos da súa elaboración.
- 11) Reforzamento das liñas de investigación e iniciación de novos proxectos.
- 12) Mantemento dos sistemas de información avanzados nas lonxas e nas confrarías de pescadores.
- 13) Apoio ao desenvolvemento racional dos espazos portuarios.
- 14) Axudas para o acceso das mariscadoras á pensión de xubilación.
- 15) Axudas aos seguros da produción.

## 2.2 DOS ENTES DE DEREITO PÚBLICO

- **PORTOS DE GALICIA**

- 1) Ampliación e mellora das infraestruturas marítimas para o transporte de mercadorías e pasaxeiros:

Actuacións encamiñadas ao desenvolvemento e potenciación do transporte marítimo de mercancías, a mellora da seguridade na operativa, atracción de novos tráfico e desenvolvemento do transporte intermodal. Desta maneira pretendemos que exista un transporte sostible alternativo á estrada e a potenciación do desenvolvemento das comarcas que favoreza a explotación dos recursos naturais que producen un maior volume de mercancías.

- 2) Mellora e modernización do desenvolvemento das actividades portuarias relacionadas co sector pesqueiro, marisqueiro e de acuicultura:

Actuacións encamiñadas no incremento da calidade do valor engadido dos produtos, tanto mercancías como pesca, manipulados nos portos, fomento da acuicultura e a mellora das actividades pesqueiras.

- 3) Mellora das condicións xerais de desenvolvemento das operacións e actividades portuarias:

Están destinadas a facilitar as operacións portuarias tanto marítimas como terrestres. Entre estas últimas inclúense as de almacenaxe, loxística e distribución, reparación. Iso redundará na execución das operacións en condicións de seguridade e cuns maiores rendementos levando a un maior desenvolvemento do entorno próximo e, en consecuencia, á xeración de máis emprego.

- 4) Incremento do atractivo do litoral galego:

Para poder potenciar o uso das actividades turísticas, de lecer e deporte nas zonas onde se ubican os portos e desa maneira desenvolver a industria auxiliar correspondente.

- 5) Mellora da calidade medioambiental das instalacións portuarias:

Actuacións para a implantación nos portos das infraestruturas, equipamentos e procedementos necesarios para unha xestión medioambiental eficaz, partindo da experiencia realizada no porto da Pobra do Caramiñal onde implantouse o sistema EMAS de xestión medioambiental, pioneiro nun porto galego, dentro do programa LIFE.

6) Mellora e modernización dos servizos xerais dos portos:

Para ampliar, mellorar e modernizar as redes de servizos xerais dos portos, tales como abastecementos de auga, saneamento, subministro de enerxía eléctrica, combustible, telefonía e transmisión de datos, etc. Desta maneira, ademais de mellorar a calidade da prestación dos servizos e optimización dos consumos, perséguese a diminución dos gastos de explotación e, con iso, a optimización da xestión económica. Por iso estanse desenvolvendo iniciativas en diferentes portos para a ampliación, mellora e modernización das redes de servizos.

7) Ordenación xeral das zonas de servizo dos portos e mellora da seguridade:

Desta maneira inténtase facilitar o desenvolvemento de distintas actividades portuarias, evitando as interferencias entre as mesmas, e ao mesmo tempo incrementar a seguridade das instalacións portuarias tanto na lámina de auga como nas superficies portuarias.

8) Mellora da xestión organizativa do porto:

Para poder conseguir o incremento da eficacia e da eficiencia dos portos e do propio sistema portuario, favorecendo unha relación áxil e cómoda dos clientes e usuarios coa administración portuaria e o uso das novas tecnoloxías da comunicación e información.

9) A investigación en materia portuaria e marítima da implantación de novas tecnoloxías para o coñecemento e a información:

Está encamiñada ao estudo do clima marítimo, medicións do comportamento do medio mariño (olas, correntes,...) e complementábase coa instalación de equipamento do medio mariño e complementábase coa instalación de equipamento tecnolóxico para o coñecemento de factores climáticos, de marea,... e coa implantación de novas tecnoloxías de control de información. Neste aspecto, desenvolveranse investimentos para prototipos para o desenvolvemento de enerxías renovables, a mellora das redes de servizos portuarios e o equipamento tecnolóxico que permita o procesamento de datos técnicos, climáticos e medioambientais nos portos e que se complementará coa xa existente nos portos de interese xeral galegos.

• **INSTITUTO TECNOLÓXICO PARA O CONTROL DO MEDIO MARIÑO DE GALICIA**

A Lei 3/2004, do 7 de xuño, de creación do Instituto Tecnolóxico para o Control do Medio Mariño de Galicia deu lugar no ámbito da Comunidade Autónoma de Galicia, e ao amparo do seu Estatuto de Autonomía, á creación dun ente de dereito público con personalidade xurídica e patrimonio de seu e con plena capacidade e autonomía para o cumprimento dos seus fins.



O Instituto Tecnolóxico para o Control do Medio Mariño de Galicia (Intecmar), adscrito da Consellería do Mar, constitúe o instrumento da Administración da Comunidade Autónoma de Galicia para o exercicio das funcións de control da calidade do medio mariño, da aplicación das disposicións legais en materia de control técnico sanitario dos produtos do mar e de asesoría técnico científica sobre pesca, marisqueo e acuicultura no ámbito das zonas de produción en augas competencia da comunidade autónoma.

O Intecmar ten como obxectivo xeral desenvolver un estrito e intensivo sistema de control sobre as características do medio mariño para dar cumprimento formal a lexislación vixente en canto a produción de moluscos e outros invertebrados mariños, contribuír a desenvolver novas estratexias de explotación e comercialización baseadas en ofertar produtos de óptima calidade con absoluta garantía sanitaria, desenvolver estudos de carácter científico-técnico destinados a facilitar os coñecementos necesarios para a correcta xestión dos recursos mariños e protexer e mellorar a calidade das augas.

Dentro das competencias da Administración autonómica, e sen prexuízo das competencias atribuídas a outros organismos, correspóndelle ao Instituto Tecnolóxico para o Control do Medio Mariño de Galicia, entre outras, as seguintes potestades administrativas:

- 1) Aplicación da normativa sobre calidade das augas e da produción de moluscos bivalvos e outros organismos procedentes da pesca, o marisqueo e a acuicultura. En concreto, o control das condicións oceanográficas, bioxeoquímica mariña e poboacións fitoplanctónicas, das biotoxinas mariñas, da contaminación química e da contaminación microbiolóxica, tanto no referente aos organismos coma ás zonas de produción.
- 2) A investigación para o coñecemento e control das patoloxías dos organismos mariños sometidos á explotación comercial mediante a pesca, o marisqueo e a acuicultura.
- 3) Decretar a apertura e o pechamento do exercicio da actividade pesqueira, de marisqueo e acuicultura en función do resultado dos controis que se realicen sobre a calidade das augas e os produtos, en aplicación da normativa vixente.
- 4) Aquelas funcións que regulamentariamente se lle atribúan na loita contra a contaminación mariña.

Neste sentido, o Plan Territorial de Continxencias por Contaminación Mariña de Galicia, publicado pola Resolución do 23 de abril de 2007, da Dirección Xeral de Recursos Mariños (DOG nº 88 do 8 de maio de 2007) indica as seguintes funcións do Intecmar no antedito plan:

- a) O Intecmar forma parte da Unidade de Apoio Técnico do Centro de Coordinación Operativa (CECOP).
  - b) O Intecmar, como centro oficial integrado no Plan Territorial de Continxencias por Contaminación Mariña ten, entre outras funcións, albergar, cun carácter permanente, a Unidade de Documentación e Apoio Científico, e cun carácter *ad hoc*, a Unidade de Observación Próxima. As funcións destas dúas unidades están reflexadas no Plan Territorial de Continxencias por Contaminación Mariña.
- 5) O cumprimento dos programas de control do medio mariño que, no ámbito das funcións que establece esta lei, determine a Xunta de Galicia en función da lexislación vixente na materia e das súas propias necesidades para a xestión do medio mariño.
  - 6) Aquelas funcións que, no ámbito das competencias da comunidade autónoma, poidan serlle atribuídas pola Xunta de Galicia en materia de control das características do medio mariño e dos seus recursos sometidos a explotación comercial.

Correspóndelle ao instituto ademais das potestades administrativas anteriormente establecidas, entre outras, as actividades de asesoría técnico-científica para o coñecemento das características da pesca, o marisqueo e a acuicultura, a elaboración de informes relativos as súas funcións e propoñerlle á Consellería do Mar as modificacións lexislativas necesarias para adaptar a lexislación autonómica as novas normativas que diten, así como os cambios necesarios para darlles cobertura legal ás novas esixencias que o sistema de control estableza como necesarias.

Durante o ano 2010, e unha vez rematado no que queda de ano 2009 o traslado das Unidades de Patoloxía, Microbioloxía, Bioxeoquímica e Oceanografía e Fitoplancton ás novas instalacións recepciónadas no mes de agosto, preténdese ampliar os espazos dedicados ás Unidades de Biotoxinas, Xestión de Mostrás e Contaminación Química.

Continuarase a colaboración con Augas de Galicia para un mellor coñecemento dos puntos de vertidos que afectan ao litoral e determinar a súa incidencia na contaminación microbiolóxica das augas para abordar e optimizar as accións de mellora que garantan a calidade das augas.

Continuarase co traballo, xa consolidado, de análise de mostras procedentes das CCAA de Asturias, Cantabria e Cataluña así como das mostras oficiais dos servizos veterinarios da Dirección Xeral de Saúde Pública e Planificación da Consellería de Sanidade dentro do seu programa de Salubridade de Moluscos.

O Intecmar pretende para o ano 2010 continuar co número de mostraxes para o control de metais nos moluscos e realizar un seguimento dos niveis de chumbo no relo (*Dosinia exoleta*), para iso é necesario manter os medios humanos e materiais, para establecer un plan de seguimento das poboacións de relo de maneira rutineira.

Continuar coa acción de investigación sobre episodios tóxicos de orixe fitoplanctónica en moluscos bivalvos de Galicia estudando aspectos epidemiolóxicos, detección de intoxicacións e o efecto do cociñado na toxicidade e o tamaño de ración de bivalvos.

Manter e potenciar a rede de calidade das augas e mellora do sistema de control de bivalvos afectados por biotoxinas por medio do desenvolvemento de modelos dinámicos. Dentro das analíticas de control das biotoxinas mariñas nas zonas de produción, e seguindo a recomendación do LCRBM, o Intecmar ampliará durante o ano 2010 o control das toxinas lipofilicas mediante LC-MS.

Instalar dúas estacións adicionais de radares de alta frecuencia (Radar HF) para ampliar a rede radar HF exterior galega xa iniciada no 2008 por Mariña Mercante, para a mellora do coñecemento do medio mariño, particularmente datos océano-meteorolóxicos (información das correntes mariñas e parámetros de ondaxe), ferramentas moi interesantes en salvamento marítimo, localización da orixe dun vertido, redes de alerta e reporte de tsunamis no fondo mariño e estudos multidisciplinares de diversa índole. No ano 2010, o Intecmar ten o obxectivo de situar a parella de radares HF en Cabo Prior e Cabo Vilano ou Punta Nariga.

A posta en funcionamento do novo laboratorio de viroloxía implicará. A renovación do parque microinformático, mediante a adquisición de novos equipos e licenzas de software.

Para o ano 2010 os gastos de persoal aumentan lixeiramente con respecto aos orzamentos actuais porque contempla:

- 1) Unha subida salarial do persoal igual á que se estableza para a función pública galega.
- 2) Realizar unha oferta de emprego público para a dotación de prazas vacantes.

Durante os anos 2006 e 2007 nos orzamentos do Intecmar non se dotou dunha partida económica destinada a Fondo de Acción Social. Para os anos 2008 e 2009 aprobouse unha dotación inicial de 20.000 euros/ano. Para o ano 2010, pártese da mesma cantidade que se actualiza tendo en conta o aumento do IPC e as variacións do equipo nos diferentes anos.

No referente aos gastos correntes, tendo en conta o Plan de Austeridade do Gasto Público que a Xunta puxo en marcha en 2009, intentouse reducir dito capítulo aínda que o funcionamento das novas instalacións implica un maior gasto de servizos como electricidade, auga, combustible, limpeza e vixilancia, entre outras.

Actualmente os fondos do Intecmar proceden das transferencias correntes e de capital da Xunta de Galicia, así como dos convenios establecidos con outras institucións e xuros de entidades bancarias.

A asunción de competencias leva consigo asumir compromisos con diversas institucións ou entidades do sector para completar, manter e renovar programas de investigación e desenvolvemento que se realizan directamente ou en colaboración con diferentes consellerías (Consellería do Mar, Consellería de Sanidade, Consellería de Economía e Industria, Consellería de Medio Ambiente, Territorio e Infraestruturas). Entre os compromisos para o vindeiro ano están diversos convenios con outros centros de investigación (Universidade de Santiago de Compostela, Instituto Español de Oceanografía, CSIC, Centro de Investigacións Mariñas, Fundación Cetmar e Consello Regulador do Mexillón).

Para o ano 2010 o Intecmar contempla posibles ingresos de fondos externos debido a participación de distintas unidades en diferentes proxectos europeos. Entre eles podemos mencionar:

- 1) DRIFTER (HNS, oil and inert pollution: Trajectory modelling and monitoring).
- 2) MIDTAL (Microarrays for the detection of toxic algae).
- 3) RAIA-Interreg IV (Observatorio oceánico del margen ibérico).
- 4) ARCOPOL (The atlantic regions´coastal pollution response).

## **3. ORZAMENTO DE GASTOS PARA O ANO 2010**

---

### **3.1 DISTRIBUCIÓN FUNCIONAL. PROGRAMAS DE GASTO**

#### **3.1.1 Da consellería**

- **PROGRAMA 422K. ENSINANZAS PESQUEIRAS**

##### **1. Descrición**

A formación profesional marítimo-pesqueira debe dar resposta formativa a un sector onde se está a levar unha modernización e implantación de novas tecnoloxías. Para que os futuros profesionais adquiran as capacidades profesionais necesarias cómpre dotar aos centros e aulas de formación dos equipamentos para as novas tecnoloxías, así como completar e mellorar os xa existentes.

Con este programa perséguese o obxectivo de garantir o funcionamento básico e a continuidade da oferta pública de calidade de ensinanzas marítimo e náutico-pesqueiras nas súas diversas modalidades. Concretamente na modalidade de formación profesional náutico-pesqueira de adultos, e os ciclos formativos de formación profesional específica de: navegación e pesca, máquinas navais, cultivos mariños e mergullo profesional. Ademais neste programa intégranse as ensinanzas de certificacións profesionais que se imparten nos catro centros de ensinanzas.

Estas accións formativas desenvólvense nos centros de formación profesional pesqueira e de acuicultura dependentes desta consellería, situados en Ferrol, Ribeira, A Illa de Arousa e Vigo, dos que os custos de mantemento, dotación de equipos e acondicionamento, se imputan a este programa.

##### **2. Actividades**

- 1) Mellora de sistemas operativos con fins didácticos.
- 2) Dotación de equipamentos didácticos.
- 3) Acondicionamento dos centros docentes.
- 4) Adquisición de equipos informáticos e equipamento vario para aulas e centros.
- 5) Accións de apoio e divulgación das actividades náuticas.

- 6) Adquisición de elementos de transporte para o seguimento das ensinanzas.
- 7) Accións complementarias á formación dentro do Plan Integral de Formación Marítimo-Pesqueiro de Galicia.

### **3. Órgano encargado da súa execución**

Dirección Xeral de Desenvolvemento Pesqueiro.

## **• PROGRAMA 513A. CONSTRUCCIÓN, CONSERVACIÓN E EXPLOTACIÓN PORTUARIA**

### **1. Descrición**

Este programa é un instrumento para o desenvolvemento e xestión das funcións que en materia de portos da comunidade autónoma son atribuídas pola Lei 5/1994, do 29 de novembro: a construción, conservación, administración das obras, actividades e servizos portuarios, así como a planificación das zonas de servizos e o fomento global das actividades económicas relacionadas co tráfico portuario, a xestión da explotación portuaria, o fomento da actividade económica global.

### **2. Actividades**

Transferencias a Portos de Galicia para a realización dos proxectos e actividades propias do ente público.

### **3. Órgano encargado da súa execución**

Secretaría Xeral.

## **• PROGRAMA 514A. INFRAESTRUTURAS PESQUEIRAS**

### **1. Descrición**

Neste programa encádranse as medidas destinadas a rexenerar e a desenvolver os portos e fondeadoiros de pesca para mellorar os servizos ofrecidos e así convertelos nunha vantaxe competitiva.

### **2. Actividades**

- 1) Investimentos en portos pesqueiros que presenten interese para os pescadores e produtores acuícolas usuarios dos mesmos.

- 2) Investimentos relacionados coa seguridade para a construción ou modernización de pequenos lugares de desembarque.

Os investimentos destinaranse principalmente a:

- a) Abastecemento de combustible, xeo, auga e electricidade.
- b) Xestión informatizada das actividades pesqueiras.
- c) Mellora das condicións de seguridade e traballo.
- d) Almacenamento e transformación de residuos.
- e) Fomento de boas prácticas ambientais nos portos, favorecendo e primando o emprego de enerxías alternativas e limpas no exercicio da actividade portuaria.
- f) Rexeneración e desenvolvemento dos portos pesqueiros para a mellora do seu patrimonio natural e arquitectónico.

### 3. Órgano encargado da súa execución

Dirección Xeral de Desenvolvemento Pesqueiro.

## • PROGRAMA 541C. PROTECCIÓN E MELLORA DO MEDIO NATURAL MARÍTIMO

### 1. Descrición

O medio natural marítimo é o espazo no que se desenvolve a actividade pesqueira, marisqueira e acuícola, de xeito que constitúe non só o marco xeográfico común a estas actividades senón tamén o seu obxecto principal, posto que a conservación do medio e a preservación fronte a malas prácticas é o fundamento para a rendibilidade e a continuidade deste sector estratéxico.

Dita conservación e preservación non pode facerse fronte ao sector, senón ao contrario, da súa man e coa súa implicación activa. Este convencemento está na base da creación e posta en marcha de reservas mariñas de interese pesqueiro, co obxectivo de conservar a riqueza natural das áreas mariñas e dotar ao sector de mecanismos específicos de conservación e de xestión pesqueira compartida.

Existen factores de risco para a estabilidade do medio mariño, e máis concretamente para a conservación dos recursos de interese pesqueiro, entre os que cobran especial importancia a contaminación das augas e as malas prácticas na actividade extractiva. Por iso resulta imprescindible contar cos suficientes mecanismos de control e prevención que garantan a detección e a reparación de posibles danos.

Así, os principios que inspiran este programa son os seguintes:

- 1) Evitar os danos producidos por episodios de contaminación.
- 2) Prevención e control das actividades que poidan afectar negativamente á sostibilidade dos recursos mariños, especialmente os de interese pesqueiro, así como dos seus hábitats.
- 3) Establecemento de novas figuras de protección e xestión de áreas mariñas de interese pesqueiro.
- 4) Asesoramento e apoio ao sector para a definición e establecemento de novas figuras de protección e xestión de áreas mariñas de interese pesqueiro, e a mellora dos seus mecanismos de xestión.

## **2. Actividades**

- 1) Prevención e control da contaminación do medio natural mariño.
- 2) Dotación de medios á inspección pesqueira e ao salvamento marítimo.
- 3) Control da actividade pesqueira.
- 4) Mellora no control das accións ilegais na explotación dos recursos.
- 5) Contribuír á seguridade da vida humana no mar, participando en tarefas de rescate e salvamento.
- 6) Seguimento e avaliación do funcionamento das reservas mariñas existentes no litoral galego.
- 7) Apoio as reservas mariñas existentes que necesiten melloras.
- 8) Posta en funcionamento de novas áreas mariñas protexidas de interese pesqueiro ou de outras figuras que preserven os recursos mariños.

## **3. Órganos encargados da súa execución**

Secretaría Xeral (Servizo de Gardacostas de Galicia).

Dirección Xeral de Ordenación e Xestión dos Recursos Mariños.



• **PROGRAMA 561A. PLAN GALEGO DE INVESTIGACIÓN, DESENVOLVEMENTO E INNOVACIÓN TECNOLÓXICA**

**1. Descrición**

A estrutura produtiva actual de Galicia caracterízase polo reducido tamaño das empresas e unha especialización sectorial na que non destacan as actividades de alta tecnoloxía. O sector pesqueiro non escapa a esta caracterización e faise necesario un cambio de cultura nos empresarios, para que pasen a considerar I+D+i como un factor estratéxico para o futuro. Co fin de non hipotecar a independencia científica e tecnolóxica, e competir no desenvolvemento do noso tecido económico, é moi importante apostar por unha investigación básica saudable.

Na execución deste plan xogará un papel moi importante toda a comunidade científica galega, sen exclusión de ninguén, coa necesaria coordinación por parte deste departamento, na procura de optimizar o capital humano co que conta Galicia, implicándoos no desenvolvemento das distintas accións programadas, evitando que os técnicos traballen sen coordinación e sen coñecemento das distintas iniciativas que se pretenden desenvolver. Dentro do marco destas iniciativas cobran unha especial relevancia as actuacións dirixidas ao deseño e execución das unidades da Consellería do Mar dentro do proxecto Cidade do Mar, na cidade de Vigo, como sede e núcleo fundamental e aglutinador das institucións e organismos científicos de todo o Estado, que favorecerán afondar nos coñecementos científico-técnicos do mundo do mar e dos seus recursos.

No desenvolvemento deste plan xogará un papel moi importante o Centro de Investigacións Mariñas da Consellería do Mar, nas súas sedes de Ribadeo e Vilanova de Arousa, e o CETMAR.

**2. Actividades**

- 1) Desenvolvemento de proxectos e accións de investigación para a xestión racional dos recursos mariños renovables.
- 2) Dotación de material científico, publicacións, equipamento e demais medios necesarios para o desenvolvemento da investigación.
- 3) Formación de titulados superiores e técnicos superiores en temas de investigación mariña.
- 4) Deseño e primeiras actuacións nas unidades de pesca na “Cidade do mar”.
- 5) Financiamento do funcionamento, persoal, mantemento e actividades desenvolvidas polo Centro de Investigacións Mariñas.

### 3. Órgano encargado da súa execución

Dirección Xeral de Desenvolvemento Pesqueiro.

## • PROGRAMA 581A. ELABORACIÓN E DIFUSIÓN ESTATÍSTICA

### 1. Descrición

A participación da Consellería do Mar no Plan Galego de Estatística 2007–2011, aprobado pola Lei 16/2006, do 27 de decembro, vén recollida na realización das operacións estatísticas 32102 explotación do rexistro de buques pesqueiros da comunidade autónoma; 32201 estatística da primeira venda de produtos pesqueiros frescos e 32202 estatística de produción de acuicultura mariña.

Por outra banda, a Consellería do Mar debe realizar, ao abeiro do Real decreto 2064/2004, do 15 de outubro, e a súa posterior modificación mediante o Real decreto 607/2006, do 19 de maio, a recollida periódica dos datos contidos nas notas de venda dos produtos pesqueiros frescos, conxelados ou de acuicultura mariña que se comercializan nas lonxas ou centros de venda autorizados en Galicia.

É tamén de interese estatístico para esta comunidade autónoma a posta en funcionamento dunha enquisa dirixida a recoller a situación da poboación con ocupación activa nas embarcacións que faenan nas augas competencia de Galicia, así como no mar territorial do caladoiro nacional Cantábrico-Noroeste, de xeito que se poida abordar a recollida de datos suficientes para dispor dunha información periódica da situación e do reparto das persoas ocupadas na pesca extractiva e no marisqueo.

### 2. Actividades

- 1) Recollida de datos de produción, transporte e venda dos produtos da pesca, o marisqueo e acuicultura.
- 2) Revisión e análise estatístico de rexistro de buques pesqueiros da Comunidade Autónoma de Galicia.
- 3) Validación de datos e homologación de información.
- 4) Publicación e divulgación de resultados.
- 5) Enquisa de poboación ocupada.
- 6) Campañas de sensibilización e divulgación.

### **3. Órgano encargado da súa execución**

Dirección Xeral de Competitividade e Innovación Tecnolóxica.

## **• PROGRAMA 721A. DIRECCIÓN E SERVIZOS XERAIS DE POLÍTICAS PESQUEIRAS**

### **1. Descrición**

Os créditos asignados a este programa cumpren fundamentalmente a función de financiar os gastos de funcionamento e do persoal dos servizos administrativos da consellería, distribuídos nos seus diferentes centros xestores, que son ademais dos servizos centrais, os servizos territoriais en Celeiro, Vigo e A Coruña, e as delegacións comarcais en Ferrol, Ribeira, Pontevedra e Carril, así como os funcionarios desta consellería destinados nas distintas confrarías de pescadores.

Tamén se recollen no capítulo de investimentos partidas destinadas á mellora de infraestruturas nos citados centros administrativos co fin de conseguir unhas mellores condicións de traballo para o persoal ao servizo da consellería e os créditos que a consellería adica á cooperación internacional en materia pesqueira.

### **2. Actividades**

- 1) Acondicionamento e equipamento dos servizos da consellería.
- 2) Mantemento e modernización dos equipos e procesos de datos da consellería.
- 3) Mantemento do fondo de biblioteca.
- 4) Obras novas e de reparación nos edificios onde se atopan os servizos centrais e territoriais .
- 5) Reparación e reposición dos vehículos pertencentes á flota da consellería.
- 6) Actuacións para o mantemento operativo dos servizos.

### **3. Órgano encargado da súa execución**

Secretaría Xeral.

- **PROGRAMA 722A. PROMOCIÓN SOCIAL E DIVULGACIÓN DA TECNOLOXÍA PESQUEIRA**

**1. Descrición**

O sector pesqueiro dá emprego directamente a máis de 34.000 persoas na comunidade autónoma. As condicións nas que se desenvolve o traballo fan desta actividade unha das máis susceptibles de riscos laborais, que contribúe, entre outros factores, a falta de atractivo entre a xente nova, dificultando o relevo xeracional e a modernización do sector.

Outro factor desfavorecedor das novas incorporacións a este sector, é a progresiva perda de ingresos dos traballadores, polo que se fai preciso adoptar medidas que favorezan a prosperidade económica e social das poboacións dependentes da pesca.

Fomentárase a subscrición dun seguro de mal tempo, co obxectivo de incentivar o aseguramento no sector para garantir ingresos aos profesionais do mar en situacións climatolóxicas adversas, que levan a ter que amarrar en porto durante longos períodos de tempo, e destinaranse créditos para o mantemento dunha liña de axudas dirixidas a todas aquelas mariscadoras que como consecuencia da imposibilidade de poder afiliarse ao réxime especial do mar, non puideron acadar o período de carencia necesaria para acceder a unha pensión de xubilación, facilitándolle a sinatura de convenios individuais especiais.

Este programa vai a amparar tamén actuacións dirixidas á formación do sector pesqueiro que lles permita acceder e explotar axeitadamente as tecnoloxías precisas para unha mellor explotación, xestión e comercialización dos recursos mariños.

A nova configuración da consellería como Consellería do Mar motiva a aparición de actividades dirixidas a atender aos sectores non pesqueiros de usuarios do mar, que complementan as actividades de diversificación en curso e programadas para o novo exercicio.

Por outra parte recóllese a participación da consellería en diversos proxectos europeos aprobados nas últimas convocatorias onde a consellería é socio.

Así mesmo dedícanse unhas partidas para poder prestar asesoramento e asistencia técnica ás confrarías de pescadores en materia económica e contable así como colaboración coas federacións de confrarías.

## 2. Actividades

- 1) Subscrición da "póliza colectiva de accidentes do mar".
- 2) Axudas para a subscrición dun seguro de mal tempo.
- 3) Mantemento dunha liña de axudas para que as mariscadoras poidan acadar unha pensión de xubilación.
- 4) Cursos de formación e reciclaxe para pescadores.
- 5) Actividades de especialización e formación na pesca e o litoral.
- 6) Programas de formación para o desenvolvemento pesqueiro.
- 7) Apoio ás accións de promoción social dos pescadores e das comunidades pesqueiras.
- 8) Accións para divulgación sobre o litoral de Galicia e a pesca.
- 9) Accións piloto sobre aplicación de enerxías limpas e renovables ás actividades pesqueiras e sobre a xestión de residuos xerados pola pesca.
- 10) Transformación dos buques que abandonen a pesca en buques para formación, a promoción socio-cultural ou o control das reservas mariñas.
- 11) Apoio á produción de semente en micro instalacións.
- 12) Campaña de seguridade para a pesca.
- 13) Participación en diversos proxectos europeos.

## 3. Órganos encargados da súa execución

Dirección Xeral de Ordenación e Xestión dos Recursos Mariños.

Dirección Xeral de Desenvolvemento Pesqueiro.

## • **PROGRAMA 723A. COMPETITIVIDADE E MELLORA DA CALIDADE DA PRODUCCIÓN PESQUEIRA E DA ACUICULTURA**

### 1. Descrición

Neste programa encádranse actuacións destinadas á adaptación da frota galega á dispoñibilidade dos recursos coa finalidade de evitar a sobreexplotación e acadar un desenvolvemento sostible do sector.

Inclúense medidas para a recuperación da capacidade produtiva de zonas con potencialidade marisqueira que por diversos motivos ven minguada a súa produción. Neste marco cobran especial importancia as actividades, realizadas en colaboración cos profesionais, dirixidas á mellora da calidade dos recursos marisqueiros por mor do status sanitario das augas de produción, non son aptos para unha explotación comercial rendible.

O número total de buques pesqueiros con porto base en Galicia ascende a 4.864, aproximadamente o 40% da frota pesqueira española. A maioría deles son de pequeno tamaño, o que implica unha grande presión sobre as augas interiores. Caracterízanse tamén pola variedade de especies capturadas e o seu alto valor económico.

As tendencias de desenvolvemento deste sector veñen marcadas polo fomento de medidas a través de grupos locais que dinamicen económica e socialmente as poboacións dependentes da pesca que humanicen e confiran atractivo á actividade, así como pola necesidade de impulsar métodos respectuosos co medio e medidas que incrementen o valor de mercado das especies capturadas.

Este programa recolle tamén os créditos destinados a actuacións relacionadas coa pesca costeira artesanal, destinadas a fomentar a organización e control da trazabilidade dos produtos comercializados da pesca costeira artesanal.

Ao abeiro do FEP tamén se dará cabida á iniciativa do sector pesqueiro no establecemento de novos mecanismos de xestión dos recursos, promovendo plans e proxectos de xestión, impulsando o coñecemento científico do medio, facilitando o asesoramento técnico na explotación ou participando no control responsable, por citar exemplos de actuacións tendentes ao obxectivo último de acadar o desexable equilibrio entre explotación e conservación, é dicir, a explotación sustentable.

Tamén se recollen créditos para o apoio aos proxectos piloto realizados por un axente económico en cooperación cun organismo científico ou técnico que estean dirixidos á adquisición e difusión de novos coñecementos técnicos.

Ademais trátase de proporcionar ao sector pesqueiro mecanismos que melloren a súa competitividade, mellorando o coñecemento sobre as artes de pesca para optimizar a súa efectividade e asesorándoo na adopción de medidas de xestión axeitadas.

## **2. Actividades**

- 1) Adecuación e mellora das condicións de zonas produtivas, especialmente para mellorar as condicións sanitarias das zonas de produción marisqueira.
- 2) Avaliación científica dos recursos e das pesquerías.
- 3) Axudas a entidades de interese colectivo, asociativas dos profesionais do sector pesqueiro, marisqueiro e acuícola, co obxecto de desenvolver proxectos que melloren a xestión dos recursos pesqueiros.
- 4) Reforzar o control sanitario das zonas de produción marisqueira con procedementos máis áxiles que aumenten a seguridade do consumidor.
- 5) Axudas para a paralización definitiva de buques pesqueiros.
- 6) Axudas para propietarios de buques pesqueiros afectados por plans de recuperación duns recursos específicos que impliquen unha paralización temporal da actividade.
- 7) Axudas para os buques afectados polo Plan de Adpatación da Frota (PAF) acordado por Galicia.
- 8) Axudas destinadas a mellorar a seguridade e as condicións de traballo, a calidade e hixiene dos produtos a bordo dos barcos pesqueiros así coma o rendemento enerxético e a selectividade.
- 9) Medidas socioeconómicas para apoiar a saída anticipada do sector pesqueiro e a reconversión profesional dos pescadores.
- 10) Axudas para a construción, ampliación, equipamento e modernización de establecementos de transformación e comercialización.
- 11) Axudas á pesca costeira artesanal.
- 12) Axudas a investimentos no ámbito da acuicultura.
- 13) Accións piloto sobre aplicación de enerxías limpas e renovables ás actividades pesqueiras e sobre a xestión de residuos xerados pola pesca.

## **3. Órganos encargados da súa execución**

Dirección Xeral de Competitividade e Innovación Tecnolóxica.

Dirección Xeral de Ordenación e Xestión dos Recursos Mariños.

• **PROGRAMA 723B. REGULACIÓN DAS PRODUCIÓNS E DOS MERCADOS DA PESCA**

**1. Descrición**

Este programa ampara accións como a busca de novos mercados que permitan gañar cota ás empresas, mellorar a imaxe dos produtos da pesca e da acuicultura e aplicar unha política de calidade e valorización, así como a certificación da calidade mediante a creación dunha marca referente aos produtos da pesca artesanal e do marisco, para garantir uns estándares de calidade e determinar a orixe do produto.

Así mesmo, dentro deste programa preténdese fomentar a cultura do consumo dos produtos pesqueiros galegos para facer fronte á crecente preocupación por parte das autoridades sanitarias sobre a dieta alimenticia da sociedade actual, e con maior preocupación cando se refire ás etapas infantil e xuvenil. Preténdese levar a cabo unha acción de fomento de consumo de produtos pesqueiros galegos nas dietas infantís e xuvenís dos nenos galegos, creando ao mesmo tempo unha cultura de consumo dos produtos pesqueiros galegos.

Dentro deste programa de gasto inscríbense as accións a desenvolver no novo marco establecido polo FEP que destina un único eixo a potenciar o desenvolvemento das zonas costeiras coma un mecanismo dinamizador dos pobos costeiros a través da creación dos denominados grupos de acción costeira, que permitirán a participación de todos os axentes sociais das áreas que se definan na elaboración e planificación de dito desenvolvemento.

Esta medida contemplada nos FEP contribuirá dun xeito fundamental a que todas as poboacións costeiras poidan contar cun plan estratéxico de desenvolvemento sustentable das zonas do litoral, plan elaborado por cada un dos grupos, nos que participarán todos os axentes sociais e económicos de cada unha das sete zonas que o plan estratéxico recolle. Trátase en definitiva, de aplicar un tratamento ascendente na xestión dos fondos europeos cunha participación directa, eficaz e eficiente dos cidadáns.

**2. Actividades**

- 1) Programa de formación dos traballadores do sector pesqueiro, na mellora da xestión e tratamento dos recursos pesqueiros.
- 2) Programa de formación para o tratamento dos produtos pesqueiros frescos.



- 3) Programa de fomento do consumo de produtos pesqueiros frescos nas dietas infantís e xuvenís dos nenos galegos.
- 4) Programa de formación para o consumo e comercialización do peixe fresco.
- 5) Realización de campañas de promoción de produtos da pesca e de estudos de mercado.
- 6) Certificación da calidade incluída a creación de etiquetas e a certificación de produtos capturados.
- 7) Campañas dirixidas a mellorar a imaxe dos produtos da pesca e a realización de estudos de mercado.
- 8) Concesión de axudas a proxectos presentados ante os grupos de acción costeira que teñan encaixe nos propios plans estratéxicos para o desenvolvemento sustentable das zonas pesqueiras.

### **3. Órganos encargados da súa execución**

Dirección Xeral de Competitividade e Innovación Tecnolóxica.

Dirección Xeral de Desenvolvemento Pesqueiro.

## 4. CADROS NUMÉRICOS

### Orzamento consolidado. Distribución dos créditos por programas e servizos

Programas	Servizos				
	01	02	03	04	Total
422K-Ensinanzas pesqueiras	6.206,5			2.594,6	8.801,1
513A-Construción, conservación e explotación portuaria	21.404,1				21.404,1
514A-Infraestruturas pesqueiras				4.490,8	4.490,8
541C-Protección e mellora do medio natural marítimo	17.284,2		1.217,0		18.501,2
561A-Plan galego de investigación, desenvolvemento e innovación tecnolóxica	2.836,9			3.758,8	6.595,7
581A-Elaboración e difusión estatística		100,0			100,0
621B-Imprevistos e funciones non clasificadas	11,5				11,5
721A-Dirección e servizos xerais de políticas pesqueiras	20.157,8				20.157,8
722A-Promoción social e divulgación da tecnoloxía pesqueira	330,0		3.008,0	5.028,6	8.366,6
723A-Competitividade e mellora da calidade da produción pesqueira e da acuicultura	8.078,3	76.853,3	26.962,0		111.893,5
723B-Regulación das producións e dos mercados da pesca		6.131,4		7.075,6	13.207,1
<b>Total</b>	<b>76.309,4</b>	<b>83.084,7</b>	<b>31.187,0</b>	<b>22.948,4</b>	<b>213.529,5</b>

(Miles de Euros)

### Orzamento consolidado. Distribución dos créditos por programas e capítulos

Programas	Capítulos							Total
	I	II	III	IV	V	VI	VII	
422K-Ensinanzas pesqueiras	6.206,5	1.208,6		125,0		1.261,0		8.801,1
513A-Construción, conservación e explotación portuaria							21.404,1	21.404,1
514A-Infraestruturas pesqueiras						4.490,8		4.490,8
541C-Protección e mellora do medio natural marítimo	907,2	52,0				17.542,0		18.501,2
561A-Plan galego de investigación, desenvolvemento e innovación tecnolóxica	2.836,9	259,3	284,9	220,0		2.994,6		6.595,7
581A-Elaboración e difusión estatística						100,0		100,0
621B-Imprevistos e funciones non clasificadas					11,5			11,5
721A-Dirección e servizos xerais de políticas pesqueiras	13.232,0	1.718,4		2.197,5		1.730,0	1.280,0	20.157,8
722A-Promoción social e divulgación da tecnoloxía pesqueira	330,0			353,6		4.908,5	2.774,5	8.366,6
723A-Competitividade e mellora da calidade da produción pesqueira e da acuicultura	8.078,3			15,9		26.808,5	76.990,9	111.893,5
723B-Regulación das producións e dos mercados da pesca						6.319,9	6.887,2	13.207,1
<b>Total</b>	<b>31.590,9</b>	<b>3.238,3</b>	<b>284,9</b>	<b>2.912,0</b>	<b>11,5</b>	<b>66.155,3</b>	<b>109.336,7</b>	<b>213.529,5</b>

(Miles de Euros)

## DISTRIBUCIÓN ORGÁNICA

<b>01 SECRETARIA XERAL</b>	<b>2009</b>	<b>2010</b>	<b>% Var.</b>
Cap. I - Gastos de persoal	29.997,3	31.590,9	5,3
Cap. II - Gastos en bens correntes e servizos	1.950,8	1.770,4	-9,2
Cap. IV - Transferencias correntes	3.132,2	2.197,5	-29,8
Cap. V - Fondo de continxencia	0,0	11,5	0,0
Cap. VI - Investimentos reais	4.230,0	18.055,0	326,8
Cap. VII - Transferencias de capital	43.095,5	22.684,1	-47,4
<b>Total</b>	<b>82.405,8</b>	<b>76.309,4</b>	<b>-7,4</b>

(Miles de Euros)

<b>02 D.X. DE COMPETITIVIDADE E INNOVACIÓN TEC</b>	<b>2009</b>	<b>2010</b>	<b>% Var.</b>
Cap. IV - Transferencias correntes	20,0	15,9	-20,7
Cap. VI - Investimentos reais	16.060,2	12.427,9	-22,6
Cap. VII - Transferencias de capital	74.421,7	70.640,9	-5,1
<b>Total</b>	<b>90.501,9</b>	<b>83.084,7</b>	<b>-8,2</b>

(Miles de Euros)

<b>03 D.X. DE ORDEN. E XESTIÓN DOS REC.MARIÑOS</b>	<b>2009</b>	<b>2010</b>	<b>% Var.</b>
Cap. II - Gastos en bens correntes e servizos	79,4	0,0	-100,0
Cap. III - Gastos financeiros	132,6	0,0	-100,0
Cap. VI - Investimentos reais	42.111,5	23.029,0	-45,3
Cap. VII - Transferencias de capital	6.740,0	8.158,0	21,0
<b>Total</b>	<b>49.063,5</b>	<b>31.187,0</b>	<b>-36,4</b>

(Miles de Euros)

<b>04 D.X. DE DESENVOLVEMENTO PESQUEIRO</b>	<b>2009</b>	<b>2010</b>	<b>% Var.</b>
Cap. II - Gastos en bens correntes e servizos	1.708,6	1.467,9	-14,1
Cap. III - Gastos financeiros	0,0	284,9	0,0
Cap. IV - Transferencias correntes	927,0	698,6	-24,6
Cap. VI - Investimentos reais	10.134,7	12.643,4	24,8
Cap. VII - Transferencias de capital	2.266,5	7.853,7	246,5
<b>Total</b>	<b>15.036,7</b>	<b>22.948,4</b>	<b>52,6</b>

(Miles de Euros)

<b>SERVIZOS</b>		<b>2009</b>	<b>2010</b>	<b>% Var.</b>
01	SECRETARIA XERAL	82.405,8	76.309,4	-7,4
02	D.X. DE COMPETITIVIDADE E INNOVACIÓN TEC	90.501,9	83.084,7	-8,2
03	D.X. DE ORDEN. E XESTIÓN DOS REC.MARIÑOS	49.063,5	31.187,0	-36,4
04	D.X. DE DESENVOLVEMENTO PESQUEIRO	15.036,7	22.948,4	52,6
<b>Total</b>		<b>237.007,9</b>	<b>213.529,5</b>	<b>-9,9</b>

(Miles de Euros)

## Sección 14.- Consellería do Mar

### Consellería, Organismos Autónomos e Axencia Pública

	Consellería		OO.AA ou/e Axencias		Trans. Internas		Consolidado	
	2009	2010	2009	2010	2009	2010	2009	2010
Cap. I - Gastos de persoal	29.997,3	31.590,9	0,0	0,0	0,0	0,0	29.997,3	31.590,9
Cap. II - Gastos en bens correntes e servizos	3.738,7	3.238,3	0,0	0,0	0,0	0,0	3.738,7	3.238,3
Cap. III - Gastos financeiros	132,6	284,9	0,0	0,0	0,0	0,0	132,6	284,9
Cap. IV - Transferencias correntes	4.079,2	2.912,0	0,0	0,0	0,0	0,0	4.079,2	2.912,0
<b>OPERACIÓNS CORRENTES</b>	<b>37.947,8</b>	<b>38.026,0</b>	<b>0,0</b>	<b>0,0</b>	<b>0,0</b>	<b>0,0</b>	<b>37.947,8</b>	<b>38.026,0</b>
Cap. V - Fondo de continxencia	0,0	11,5	0,0	0,0	0,0	0,0	0,0	11,5
Cap. VI - Investimentos reais	72.536,4	66.155,3	0,0	0,0	0,0	0,0	72.536,4	66.155,3
Cap. VII - Transferencias de capital	126.523,7	109.336,7	0,0	0,0	0,0	0,0	126.523,7	109.336,7
<b>OPERACIÓNS DE CAPITAL</b>	<b>199.060,1</b>	<b>175.503,5</b>	<b>0,0</b>	<b>0,0</b>	<b>0,0</b>	<b>0,0</b>	<b>199.060,1</b>	<b>175.503,5</b>
<b>Total</b>	<b>237.007,9</b>	<b>213.529,5</b>	<b>0,0</b>	<b>0,0</b>	<b>0,0</b>	<b>0,0</b>	<b>237.007,9</b>	<b>213.529,5</b>

(Miles de Euros)

Os datos correspondentes ao ano 2009 están homoxeneizados en razón da nova estrutura orgánica da Xunta de Galicia, a efectos de establecer a comparativa máis adecuada.

**Medios persoais**

Mar	2010
<i>Altos Cargos</i>	5
<i>Persoal Funcionario</i>	667
Subgrupo A1	223
Subgrupo A2	130
Subgrupo C1	172
Subgrupo C2	83
Grupo E e agrupacións profesionais	59
<i>Persoal Laboral</i>	185
Grupo I	15
Grupo II	15
Grupo III	72
Grupo IV	46
Grupo V	37
<b>TOTAL</b>	<b>857</b>

**Sociedades Públicas, Fundacións e Consorcios**

(Miles de Euros)

ENTES PÚBLICOS	2010	
	Explotación	Capital
Portos de Galicia	25.980	43.004
Inst.Tecnolóxico Control do Medio Mariño	3.518	5.265